



17486

I

Mag. St. Dr.

P


*Wojtawicki Alberti. Vivam virtutem  
Clariss. et ad. R. S. D. M. Jacobi  
Ustiensis.*

PANEG. et VITAE

Poloni.

*4<sup>te</sup>  
№ 684.*







# VIVAX VIRTUS

*Clarissimi & admodum Reuerendi D. D.*

**M. IACOBI VSTIENSIS**

**ECCLESIÆ COLLEGIATÆ**

**S. FLORIANI CANONICI**

**S. THEOL: & I. V. DOCTORIS.**

*Dum.*

In Almâ Academiâ Cracouiensi inter Doctores  
S. Theolog. ac Professores dignif-  
simos publicè cooptaretur.

*A*

**M. ALBERTO WOYTOWICKI**

*Seniore Contub: Philosoph. Scholæ*

*Poëtices Professo. Nouodvorski.*

**DECANTATA.**

Anno Domini M. DC. XXXIX. die 15. Cal. Decem.

**CRACOVIAE.**

*In Officinâ Typographicâ Martini Philipowski.*



*man. 409.*



Insignia Almæ Vniuersitatis  
Cracouiensis.



17486 I

*Hæc Academiæ duo sunt insignia sceptræ  
Dirigit imperio quæ Deus ipse suo.  
Alma parens Academia Regi subdere Regum  
Duratura æuo perpete Reges Deo.*





O D E

*Tricolos Tetraſtrophos.*

**V**STINI, Patriæ maxima laus Tuæ,  
Doctoremq; iubar Craciaci Soli,  
Et lux magna Lycei,  
Regum Sauromatûm polo.  
Sublimi folio dùm meritis honor,  
Dignum sponte suâ Te sequitur virum,  
Imponitq; sacratæ  
Fronti ferta tuæ labor.  
Immortale decus Craciades tibi,  
Musæ percipiunt pleniùs addere,  
Doctoremq; salutant,  
Vltrò plausibus omnibus,  
Sudorum memores, quos Academicis  
Impensè Cathedris, sedulus, & vigil  
Semper penè subisti,  
Cultor maximus Ingeni.

Aij

Olim



Olim quantus eras indole floridâ  
Annis in teneris. Alma Academia

Testis magna: Scholarum

Cætus quæ tibi tradidit.

Magnus Mæonio Carmine Virgilî,

Cantabas superos, ingenio pari

Fortis sistere ripas,

Et Delphinas in æquore.

Magnus sua uiloquæ flumine copię,

Decurrens veluti montibus arduis,

Amnis mellifluo imbre,

Traxisti ad Te animos feros.

Quem Tigres etiam solliuagæ suis

Audiuere iugis, perdomitæ dehinc

Sunt passæ ora capistris,

Subiecisset tuis feræ.

Immanis rabie trux Leo, amabili

Motus voce tuâ, mitior extitit

Lynx, & sæuior ursus,

Cessere imperio tuo.

Mirati



Mirati ingenium sunt homines tuum,  
Velox, acre, memor, mobile, perspicax,  
Diuinum potiùs quàm  
Humanum, docile, & sagax.  
Quo felix nimium, mersa profundius  
Altis in puteis dogmata, Dædalâ  
Innexa arte Sophorum  
Obscura, ardua, nûbila,  
In lucem patulam, viribus indolis  
Producti propriæ. Prodigium propè  
Doctorum omnium, & vnum  
Lumen, veraq; mens Sophûm.  
Sic primæua, tuâ flammigerâ facie,  
Mentis sic acie, perspicis omnia:  
Vt scrutarier alter,  
Vix hæc audeat, aut queat.  
Illustrata tuis est radys schola,  
Claro Sole velut, tecta stylo arduo,  
Solers mens Stagiritæ,  
Per Te iam patet omnibus.



Anfractu vario corda studentium  
Soluisti Sophiæ, dux bonus ingeni,  
Et filo rationis,  
Eduxti è tenebris Sophos.  
Debet tota tibi progenies Sophum;  
Debent Docta scholæ pulpita gratias,  
Quod cœu Lucifer alter,  
Lustrasti tenebras Sophum.  
Hinc te Laureolæ, non modo patrio  
Ornârunt meritum climate debita,  
Ornauere Palæstræ  
Externæ, Hesperio polo.  
Miratæ ingenium Sarmatici soli,  
Miratæ studium, nutibus intimis,  
Congessere tibi vltro  
Vni ferra duo inclita.  
Diuini studij scilicet vnicum,  
Quo nil eximius, Iuris & alterum,  
Magnus Doctor utroq;  
Prosis Ecclesiæ Dei.



Iagelloniadum, iam modo Regiâ,  
Doctores celebres inter vt in scholâ,

Doctor nomina prændas,

Et subsellia summa.

Iustum tempus adest. Te tua Maxima,

Hæc & sola Parens, Alma Academia

Amplexata suauî

Dextrâ principe Filium,

Dignaturq; throno suscipere inclyto,

Doctoresq; suos inter amabiles,

Sellâ tollit eburnâ,

Imponens Capiti decus.

Eia ô magna tuæ Fax Academia,

Nutu Cælicolûm nomine & omine,

Ad fastigium honoris

Felix scandito prosperè.

Magnis pro meritis, cara Parens tibi,

Quæ caro genito fert alaerî manu,

Promptus suscipe fasces,

Quos mater tibi dat tua.

Supre



Supremūq; locum lætior occupa,  
Diuos Terrigenas inter; & exere  
In summo iubar axe,  
Totus pulcher, & aureus.  
Te quantoq; magis subuehit altiùs,  
Virtutis meritum; mente tuâ ad Deum  
Fac tantò magè surgas,  
A terris alienior.  
Totâ mente Deo, totus inhæreas,  
Totis atq; Deum viribus haurias,  
Totus fixus in illo,  
Vitam viuito cœlitem.  
Cœlestemq; magis præstiteris virum  
Te, quàm Terrigenam. Vita Theologum  
Nam diuina decet, Fac  
Diuis viuere par queas.  
Oblitusq; hominem, Cœlicolæ modo  
In terris placidè tempora transigas,  
Ex mortalibus vnus,  
Vitâ Sanctior omnibus.



Præluce Populo moribus integris,  
Præluce Ecclesiæ, Luce Academiæ,  
Stellas inter vti Sol,  
Inter Sydera Cynthia.

Doctrinæ radijs plùs radiantior,  
Quàm Titan roseis dùm vehitur rotis,  
Quando manè per orbem  
Ignes proycitaureos.

Sic diuinus eris; sicq̃ Theologi  
Dignus nominibus, quæ tibi tu Tuâ  
Vitæ religionè,  
Cælo promeritus capis.

Mercès parua sed hæc pro meritis datur  
Virtuti eximiæ, maior honos manet,  
Maior gloria cælo,  
Hæc post fata, Theologum.

Cælo Sol veluti perpète seculo,  
Clarebis radians. Iustitiam Dei  
Quòd prædixeris olim,  
Clarebis iubar exerens.

Nunc



Nunc terras radia luminibus tuis,  
Ad Cælospopulo præuius inclyto,  
Cunctis dux ad Olympum,  
Monstrato astra fidelibus.  
Nec decede prius; donec eant tibi  
Soles mille boni, & secula Nestoris,  
Wincas plenior annis,  
Cygnopersimilis Senex.

*Ad lectorem.*  
Plectris parcito, quòd diserta non sune,  
Palmæ gloria fecit, vt silerent.

Sub felicissimis Auspiciis, Clarissimi atq; Ma. D.  
MATTHIÆ WONIEYSKI Philosophiæ  
ET MEDICINÆ DOCTORIS, ac Professo-  
ris, RECTORIS Academix Cracoui.  
dignissimi, & Proconsulis eius-  
dem Urbis vigilantissimi.

D. O. M.

*Virgini, & Matri Castissime, Cælorum vniuer-  
sæ Curie Gloria & gratia.*



Biblioteka Jagiellońska



stdr0018944



